

Krisiaren kontrako tresnak

NAZIONALISTA ESPAINIARREK, hala nola Euskal Herriko jarraitzaileek eta fronte mediatiko boteretsuek, ohitura dute krisi garaioetan honako mezua zabaltzeko: “identitate arazoak” baztertu eta independentziaz hitz egiteari utzi behar diogula, helburuak krisiari eta langabeziari irtenbideak bilatzea izan behar duela. Independentzia egungo krisiaren irtenbideekin zerikusirik ez balu bezala. Independentzia krisiaren kontra egiteko tresna ez balitz bezala. Joan den astean Bartzelonan sekulako babesa izan duen nazioen independentziaz ari gara, katalanaz nahiz euskaldunaz.

Bai, badaude krisiaren kontrako tresnak. Aste honetan jakin dugu Euskal Herriko zati batean, EAEn, gero eta gazte gehiagok jotzen duela Lanbide Heziketara. Krisian darमतzagun bost urteotan, 27.971 ikasle izatetik 37.463 izatera igaro dira hezkuntza sektore horretan; %33ko igoera. Aurten, iaz baino 1.500 ikasle gehiago erregistratu dira. Lanbide Heziketa krisiaren kontra tresna garrantzitsua da, horren bidez gazte askok enplegua lor dezake. Hala ere, badago krisiaren kontrako beste erremintarik: euskal eta katalan nazioen independentziaren alde borroka egitea. Gure burujabetza ekonomiko eta politikoa usatuz, gure etorkizuna antolatu ahal izango dugu, gure natur baliabideak kudeatu, eta karga fiskalak modu justuan eta elkartasunean banandu ahal izango ditugu. Tresna hau, eta Lanbide Heziketarena, beste asko bezala, osagarriak dira. Lanbide Heziketarako ez da arazorik sortuko Madrilen. Independentziarako arazoak urrunetik ikus daitezke baina. Jeneral militarren batek jada mehatxu egin du ejertzitoak esku hartuko duela. PSOE eta PP, gai honetan, esku militarra behar izanez gero, eskutik helduta doaz. ■

Juan Mari Arregi



EleKatu-EliKatu ekimena sortu dute Baionan

“BAIONAK euskal komunitate bizi baten beharra du”, esan dute EleKatu-EliKatu ekimeneko kideek. Euskaraz hazi eta aurrera egin nahi dute, naturaltasunez. Asmo horrekin sortu dute ekimena. Euskaraz pentsatu, ekoitzi eta partekatzeo beharrari erantzutea da euskaldun talde horren helburua. Modu askotako ekitaldiak antolatuko dituzte: mintzaldi-egtabaidak, antzerkia, kantu jaialdiak, bisita komentatuak, liburu aurkezpenak, bertso emanaldi bereziak, eta abar.

Irailaren 27an emango dute lehen pausoa. Lorea Agirre Mondragon Unibertsitateko irakas-

leak *Euskal kulturagintzaren estrategiak garatzeko oinarria* ikerketa azalduko du. ■



I. Berbagunea antolatu dute Bilbon

MAHAIAREN INGURUAN elkartuko dira euskaldunak eta euskaldun hartzaileak euskara euskaraz elkarbanatzeko asmoz. Bilboko I. Berbagunea Bilboko Foru Aldundiak eta Bilboko Udalak antolatu dute, eta irailaren 25ean izango da. Euskararen erabilera kalera ateratzeko xedez, Alhondigan mahaiak para-

tuko dituzte eta moderatzailearen bidez euskaldunak eta euskara ikasten ari direnak solasaldian kateatuko dira. Hainbat gai jorratu beharko dituzte berriketa saioetan eta mahaiz aldatuko dira. Kirol, kultur, gizarte eta politika eremuko gizon-emakume ezagunek ere hartuko dute parte. ■

Asturiera koofizial egiteari uko egin dio, berriz ere, bertako Gobernuak

ASTURIERAREN OFIZIALTASUNAREN ALDE lanean diharduen erakundea da Xunta pola Defensa de la Llingua Asturiana (XDLA). Joan den astean, Asturiasko Gobernuak hainbat ordezkariarekin elkartu ziren. Beste behin, asturiera hizkuntza ofizial izateko pausok ematen hasteko eskatu zioten PSOEren Gobernuari. Kultura, Hezkuntza eta Hizkuntza Politikako ordezkariak asturieraren normalizazioan urratsak

ematearen alde agertu ziren, baina ofizialtasuna lortzeko trantemateak abiatzeari uko egin zioten.

Xunta pola Defensa de la Llingua Asturianaren ustez, gizartearen zati bat baztertzaren ari dira halako jarrerarekin.

Gaur egun, asturiera Asturiasko Printzerriko Autonomia Estatutuko 4. artikulua arabera babestua dago, baina koofizialtasun izaerarik gabe. ■